

瀛環志略

六

本工

理		地	
數	序	記	號
一			二
0	0		四
學	縣		滋
校	中		賀


一  
号

290  
55  
Vol 6

彦報公  
立中學  
校印章

古耳其圖

漢  
圖



界利地塞

我羅斯界

界斯羅我

界新羅我

界新羅我

界利地塞

尼波斯

維塞爾

亞幾拉機

亞黎的斯里西

海黑

界新羅我

界新羅我

海亞得亞

亞里美羅

日薩壹爾

士拉馬

達孫比勒德

波斯界

海馬

亞尼美爾亞

義里黑

亞耶多里  
亞即買諾  
又名小亞  
維亞

山脈阿

波斯界

界麻希

尼加拉馬

斯威

山城巴黎

希臘即  
額里士

邦達亞

山城巴黎

倫古巴施

古爾的新丹

波斯界

海中地

島羅伯居

古西里

西里亞

美索不  
達達亞

底格里斯河

河亞地干

界伯刺門

巴索拉

波斯界

渡邊廣善藏

加利非阿

加利利池

古猶太即  
拂林國

界伯刺門

耶路撒冷

界

界伯刺門

界伯刺門

土耳其國

土耳其。土耳其。○土耳其亞。○都耳基。○多爾其。○都魯機。○  
特爾濟。○杜爾格。○控噶爾。○阿多曼。

回部大國也。地分西中東三土。西土在歐羅巴界內。中土東土  
在亞細亞界內。三土合計縱橫約四五千。古時皆羅馬東境。

即大後羅馬分東西三土。為東羅馬地。唐初阿剌伯回部方強。  
秦國。

取東中兩土。建為藩部。土耳其者。本韃靼種。舊游牧葱嶺之東。

即今伊奉回教。展轉西徙。入買諾。即土耳其。居於加拉馬尼亞。  
鞏一帶。

為亞刺伯回部所驅。逃避山穴。其後種族漸繁。元成宗五年。頭  
五安元年。

人阿多曼。一作多馬諾。招集種人。攻奪買諾回國。即名其國曰阿多  
曼。

曼至孫默拉德。日益強盛。東土之猶太。叙里諸部。即土耳其。以次  
其東土。



蠶食疆土愈廣。佛郎西日耳曼嘗以兵六萬來攻。皆失利去。元順帝定武至元年間。土王渡海峽。伐東羅馬。與敵戰而勝。敵有將劊甚卧。戰場請王親加刃。死無憾。王就之。敵將忽躍起。以短刀刺王中心。死。其子巴牙屑一作巴也渡海復仇。虜一萬人。盡殺之。會蒙古來侵。即元所封之巴牙屑禦之。兵敗被虜。後有摩拉多者。復奮起。侵割東羅馬境土過半。子馬何美德嗣。尤梟雄。明景泰三年。滅東羅馬。取君士但丁城為國都。即土耳其西土。君士但丁。一作康思坦胎諾格爾。西域聞見錄。三土遂全歸統轄。紅海地中海南岸諸國。舊屬阿刺伯者。或納土。或稱藩。阿刺伯亦納款為屬國。復東取波斯。建為大藩。幅員之廣。幾比盛於羅馬。全國其用兵屠戮最慘。每

戰斬首以萬級計。治法全尚刑威。賦斂尤煩苛。大承嘉靖以後。嗣王多昏庸。醉飽殘殺骨肉。以此篡弒頻仍。稱為亂國。後宮常五六百人。初生子者為后。回回教主持國柄。作威福。諸大酋守地者。朕膏血以自肥。橐滿則王賜帛自絞。而簿錄其家。蓋西國之昏虐無政。未有如土耳其之甚者也。初土耳其既得三土之地。各分部落。領以大酋。名曰巴札。地廣權重。漸成尾大。東土尤寫遠難制。寬文康熙中。其王達哈荷麻孱弱不綱。諸巴札專制一方。名雖為臣。徵調多不應命。東偏之亞爾美尼亞。吉爾的斯丹。皆衣租食稅。不供王室。巴必羅尼亞部。即美涼。不達迷亞部。巴札阿墨嘗據地以叛。土王那達沙征之。累年不能取。至塞黎慕嗣位。始於嘉慶八

年戰勝收復甫二載新立之巴札又叛塞黎慕親征中流矢死。如德亞太即猶太之巴札亦跋扈不共命土無如之何也。中土買諾

諸部為土興基之地。部民多韃靼種尚勉供賦役而西土諸部

近接王都。兵者接踵而起。南境之布臘已裂土為敵國。別有圖說

近年自立為小國者又有三部。此外藩國波斯早易姓。天方即

刺亦隔絕在阿非利加北境者阿爾及耳已為佛郎西所滅。惟

突尼斯的黎波里尚通朝貢。麥西為海南上壤。舊設巴札。近年

其巴札叛土攻取東土諸部。勢將內犯。英吉利佛郎西勒兵勸

和乃分土稱外藩。四國詳阿非利加圖說其王自塞黎慕東征不復國人

立慕斯德發。未一載廢之。嘉慶十三年立馬荷美德在位年久。

勢益奄奄。蓋其國中衰已百餘年。今則岌岌乎有亡徵焉。徒以世臣夾輔。又與英佛諸大國合縱。故尚得苟延歲月耳。北隣之

俄羅斯大國也。與土耳其其中隔黑海東西壤地相接。乾隆中土

耳其與之構兵。西域聞見錄所云與俄羅斯構兵之控噶爾即土耳其也。已詳俄羅斯圖說。前後數

十年始猶勝負相當。繼則累戰累北。乾隆五十四年土王塞黎

慕為俄羅斯所敗。割地以講。後俄羅斯大舉來伐。佛郎西救之

乃免。自是多惱河一帶烽燧頻警。奔命不遑。道光六年土人侵

我南境。戰而敗績。我以大兵圍其都城。國幾亡。英佛為之講和。

我兵乃罷。

土耳其西土古希臘十二國之地。詳希臘圖說北界俄羅斯墓地利

利

利

亞南抵地中海。地形入海之處。界希臘國。東界黑海。東南與買諾隔一海峽。峽名他大尼里。後漢書大秦傳所云。有飛橋數百里。可度海。北諸國。即指此峽也。寬止數里。黑海地

中海。由此相通。春秋時波斯王澤耳士伐希臘。西抵亞得亞海。嘗造浮橋以渡軍。相傳古時有石橋。地廢久矣。隅縱橫各二千餘里。南北高嶺橫亘。多惱河。縈帶其間。地多山。少平土。南界海灣。凹凸島嶼紛羅。地為歐羅巴。初躬之土。土耳其。其以兵力強取之。其民本習洋教。不樂回教。又不堪土之苛斂。

近年已成四分五裂之勢。所產者棉花。煙草。葡萄。南果。羊毛之類。地分八部。○建都之部。曰羅美里亞。一作路。其民多土耳其。種族性强悍。樂於戰鬥。輕死生。重然諾。不禁鴉片。人多羸瘠。都城曰君士但丁。建於黑海峽口之西岸。本羅馬東都。土耳其滅

東王。遷都於此。更名曰士但丁。城極大。內有王宮。殿宇崇闕。城外海港深廣。商舶輻輳。匝岸萬厦雲連。各國使館在焉。多瘟疫火患。所轄亞得安城。周五里。內有古殿。閭閻凋敝。加利城在馬海灣。居民一萬七千。商賈互市之地也。○西里斯的黎亞。作

不在羅美里亞之北。北阻多惱河。風俗語音。近俄羅斯。其民勤苦力作。奉希臘教會。城曰所非。居民五萬。陸路通商之地也。所轄順刺城。形扼山險。一夫可以當關。為土國北門鎖鑰。恃此以

禦戡軍。多惱河一帶。城堡甚多。皆為備戡而設。○波斯尼亞。作

不在極西北。北距多惱河。草場豐廣。內有山產鐵甚良。居民鑄為刀劍。不堪土之苛政。揭竿而起者屢矣。○日薩壹爾。一作亞

刺萬

在海濱。居民以獵為生。剛猛善戰。勇於赴敵。稱西土。精兵會城。曰藥翰尼拿。昔有大酋據地以叛。土王連年攻之不能克。○黑  
 坐義。地形入海。與希臘隣。遍地皆山。民居巖谷。顛愚而悍猛。耻  
 睡必報。遠客來則待之甚厚。○塞爾維亞。一作息味在西里斯的黎  
 亞之西。波斯尼亞之東。北距多惱河。會城曰占靈德師亞。一作沙甲  
 極堅固。其民強武好鬪。奉希臘教。不樂回教。鈐轄別推酋長起  
 兵拒土。土不能征服。與之議和。近已自立為國。納貢於土。○襪  
 拉幾亞。一作瓦拉基在西里斯的黎亞之北。北阻大山。南距多惱河。  
 縱一千八百里。橫四百五十里。地形平坦。河流交貫。土沃宜麥。  
 草場豐茂。牧畜蕃孽。其民奉西教。勤苦力作。而土政苛虐。培克

百端。其地有大酋。如列國小侯。都城曰不加勒斯多。一作布居  
 民八萬。我羅斯時擁護之。近已立國。納貢於土。○摩爾達維亞。  
 一作末。在襪拉幾亞之北。西有山嶺界隔。地極廣莫。居民五十  
 萬。產五穀。南果。葡萄。煙。蜜。蠟。硝。鹽。馬。牛。猪。每歲售馬隣封可萬  
 匹。其地亦有大酋。如列侯。都城曰鬚西。一作牙西藉庇於我羅斯。逃  
 土政之酷虐。近亦立國。納貢於土。○干地亞洲。在海中。周圍一  
 千五百里。中峻外坦。近海多良田。又產橄欖油。極佳。其民奉希  
 臘教。不樂土政。據地以畔。土王征之。二十餘年不能服也。其島  
 山水極秀。海口近為沙淤。舟行多阻。  
 土耳其中土曰買諾亞。細亞極西之地。黑海地中海環其三面。

瀟瑤志畧 卷六 五 巽山 障 障

縱約千里。橫約二千餘里。南北曰縱。東西曰橫。凡後言縱橫皆倣此。南北峻嶺嵯峨。

中多腴壤。土耳其起於此土。韃靼種人散布雜居。故土雖中衰。

尚無分裂。所產者穀麥。五金之鑛。蠶絲。乾葡萄。南果。酒。油。蜜。香。

料。藥材。地分六部。○亞那多里亞。一作七。又名小亞細亞。三面

界海。與西土之羅美里隔一海峽。會城居民十萬。勤於懋遷。西

國商賈雲集。每年出入貨價。不下數百萬金。城內街衢污穢。每

瘟疫盛行。傳染殆遍。所屬大城曰補撒。居民六萬。大邑曰加士

他。曰牟尼。多回回廟宇。○加拉馬尼亞。在亞那多里亞之東。土

耳其人初來時。寄居於此。會城曰可尼。土之舊都也。○亞達那。一作安。在加拉馬尼亞之西南。跨山臨海。其山之羊毛細如絲。

用以織布。極溫軟。○西威斯。一作在加拉馬尼亞之東南。臨海。

山出銅鑛。居民善造銅器。○馬拉士。一作古地亞。東接東土之

亞爾美尼亞。西連加拉馬尼亞。亞那多里亞兩部。北距黑海。○

德勒止孫達。一作德。在馬拉士之東北隅。南界亞爾美尼亞。北

距黑海。其埔頭為土耳其與俄羅斯通商之地。○買諾附近有

數島。曰居伯羅島。其土膏腴。所產葡萄酒。南果最良。居民饒裕。

女人美姿色。舊稱樂土。近困於土耳其苛政。凋敝甚矣。曰羅得

島。水土平良。勤於農作。舊本自立為小國。後為土耳其所兼。曰

治阿島。地極富庶。居民十五萬。不服土耳其政教。道光七年。土

耳其以水師攻之。屠為赤地。曰米地隣島。產油酒。

土耳其東土在買諾之東亦亞細亞地北枕黑海東北隅接我  
羅斯東界波斯南連亞刺伯麥西西抵地中海縱約二千餘里  
橫約千餘里東北一帶大山疊聳最高者曰阿臘曰黎巴嫩阿

付臘底斯河一作阿倫得又名八河發源西北底格里士河一作地發源

正北相對而東南流至巴索拉合流入海西南隅有大澤曰死

海本大城邑遭異災地陷為湖其水鹹惡周圍皆瘦嶺枯山死

海之北有湖曰加利利其地為泰西諸國初建之祖大國名都

代興者凡十數自為回部所據其民種類各殊在海岸海島者

皆額力西種即希臘謂之上等人居於西里亞美索不遠迷亞各

部者半阿丹種即阿刺伯美髯善騎長於經商多素封居於東北山

中者為戈達曼種游牧為生健勇好鬪好虜掠土俗類韃韃里

謂西域游牧各部居於黎巴嫩山中者曰馬羅奈底士曰特魯西士曰

黑爾西諸種皆回民馬羅奈底士為洋教名師馬倫所化因以

得名阿丹以兵力賜入回教戶口繁多其俗儉嗇特魯西果敢

輕生戰不長平陸而長山險鳥鎗從高擊下發無不中黑爾西

戰鬪最勇以少敵眾從未敗衄土人與我羅斯戰倚此兩種為

勁旅諸部地界遼闊距王都絕遠自土耳其中衰守土之酋多

擁地自擅不供賦役百餘年來僅僅羈縻勿絕而已物產與中

土同地分五部○西里亞一作叙里亞唐書之西女國即西里

說乃華人所傳會荒唐可笑在地中海東岸東北距阿付臘底斯河南跨阿

刺伯與麥西接壤黎巴嫩山在其北境迤邐入於中土其地大勢分兩域迤北曰西里亞古之名國有海口曰地破里居民二萬五千海濱舊有兩大城一曰士羅西頓昔時商賈萃集富者將王侯今成廢墟一曰大馬士革其地山川秀澈田園開爽花卉尤繁十里外芳馥襲人迤南曰猶太猶太舊分三部曰猶太曰撒馬利亞曰加利利在秦漢以前為名國都城曰耶路撒冷唐書稱為拂菻極廣大城內居民逾十萬戶本羅馬屬國後衰亂羅馬以大兵合圍城破屠之部民星散後再立國卒為土耳其所取因其為教祖生長之地故至今猶豔稱之道光十六年麥西酋叛土王以兵取西里亞美索不達迷亞二部天保十年二十年英人助土耳其

其將興兵麥西乃還其土○美索不達迷亞一作磨俗隣即在西里亞之東北倚黎巴嫩山兩河廻繞阿付臘底斯河為東土中原唐虞時有諾威者居此為泰西諸國之始祖其地半河半澤農力勤苦境內有八塔者昔回部都城亞刺伯據東今成廢墟又巴庇倫者一作巴必魯又古大國都城廢滅已二千餘年瓦礫猶積成岡阜○古爾的斯丹一作科爾又名野哈馬在美索不達迷亞之東地多山瘠陋難耕部民多游牧於韃韃里會城曰亞勒破居民逾十萬文政五年道光二年毀於地震不遺一椽由此餓草遍野○亞爾美尼亞一作亞在古爾的斯丹美索不達迷亞兩部之北阿臘山在其境內峯壑險峻洞峽幽深水漲則巨

舟泊於峯當雲擾時其地被兵絕少故戶口較他部獨繁其民半奉西教勤於商賈家有恒產會城曰黑爾斯倫一作葉地氣寒甚七月中即見雪巴牙息在山脚居民之學館也平地近河曰地里北客城與隣國通商山内古耳得族建堡於洞壑之間素為盜巢○巴索拉一作巴所刺在古爾的斯丹美索不達迷亞之東南阿付臘底斯底格里士兩河至此部之東南隅合流入阿勒富海為東南大埔頭五印度商船輻輳其城屋陋衢狹而貿易極盛

按土耳其三土古大秦國之東境即意大里亞之羅馬為西域自古著名之地東土初闢最早巴庇倫建國於前西里亞代興於後

猶太 一作如大 又作如氏亞 又作如德亞 又作儒德亞 即唐書所謂拂菻國 以色列

之族由此興焉其國自夏商至漢季歷世最久令辟賢王後先輝映西土為希臘開基之地西國之剖啟昏濛實由此土君士但丁則羅馬之東都比於有周之雒邑泰西遠隔神州禮樂車書之化無由漸被而在彼土言之則此數千里者固商周之耿毫幽岐聲名文物之所萃也土耳其本回部賤族竄身買諾遺種繁滋遭時衰亂揭竿而起恃其兵力蠶食東西遂使名城墮毀典策散亡文獻無徵風流歇絕三土之民就俎醢之地而困羶汗之俗者數百年於茲矣回回之性多殘暴不仁而土耳其為尤甚俗無彝倫國無綱紀日以刀俎

待其民。朘脂膏而供醉飽。三土之民。何不幸之甚也。觀泰西人所著書。西土之困於苛政也。尤甚。勝廣之徒。時時攘臂而彼昏不知。猶晏然為羊車之游。亡可翹足而待矣。

泰西諸國。跨亞細亞。歐羅巴兩土者。惟我羅斯。與土耳其兩國。土耳其疆域之大。不及我羅斯。而擅膏腴之壤。據形便之地。百年來。逐鹿紛紛。迄無止戈之日。固恃其地大兵強。不肯遽為我下也。七椿園不知其國之本名。訛稱為控噶爾。又因其據東羅馬故地。而以千餘年前一統之羅馬。移之於土耳其。荒渺甚矣。又稱我羅斯本其屬國。缺其朝貢。又擾其邊。控噶爾用東西迭駕之法。我羅斯大困。增貢乞和乃免。此出於

烏巴錫詛咒之口。而聞見錄乃鑿鑿言之。豈知輿尸累累。而屢為城下之盟者。乃即所云控噶爾耶。兩國黑海亘隔。風馬牛本不相及。自我羅斯開高加索部。詳我羅斯圖說而與土之東土接壤。又開波蘭諸部。而與土之西土。昆連。其初構兵。在乾隆

中年。維時我羅斯勃焉方興。戰攻甚銳。土耳其衰機甫兆。兵力猶強。勝敗之數。大略相當。後則土勢日孱。南風不競。喪師失地。割講頻仍。近年內訌四起。危如累卵。我則辟地益廣。富強又非昔比。悉銳南征。何異折枯拉朽。然土猶幸延至今。未為我所兼弁者。由於英佛兩大國護持。而排解之也。歐羅巴人最惡回教。土耳其之昏虐。又諸國之所鄙夷。英佛之於土。

非有所愛惜而必欲拯其危亡也。我羅斯境土得歐羅巴之  
 大半。然北地荒寒。不長水戰。故僅能比肩英佛。而未足以定  
 霸一方。若土耳其三土。一旦為所并無。則地無三海。波羅的海。黑海。  
 於歐羅巴一土。已扼吭而拊其背矣。彼且治船礮。閱形  
 勢。一旦擁十萬之眾。卷甲西馳。諸國其能宴然已乎。故英佛  
 之存土。非愛土也。懼我之無土而事未有所止也。兩國之強  
 我。所素懾。亦未敢開釁端。而延大敵。不得不隱忍戢兵。聽土  
 之姑延殘喘。歐羅巴情勢。頗類戰國。故縱橫之謀。有不期然  
 而然者。

泰西人紀巴庇倫西里亞古事云。上古之世。西土洪荒未闢。

猛戰食人。有疑叻者。武力絕倫。能驅獸衛民。眾推為主。虞舜

六載立國於亞細亞兩河之間。兩河謂阿。幼。底。斯。河。或。格。里。士。河。即。土。耳。其。美。索。不。達。

迷亞地。曰巴庇倫。始聚人民。造宮室。是為西土第一國。後有諾

威民之孫。曰亞蘇爾。亦建國於亞細亞。曰尼你味。與巴庇倫

為隣。亞蘇爾之子曰尼奴。并巴庇倫為一國。名其國曰亞西

里亞。而四方仍稱巴庇倫。尼奴死。妻西迷拉迷斯嗣位。女。主。代。立。

西土上古時即有之。拓地益廣。亞細亞一洲。即土耳其。其。之。中。東。兩。土。非。今。之。

亞細亞也。半隸版圖。其人習天文。善測星度。西土推步之學。由此

起。夏后不降十三歲。西迷拉迷斯死。子尼尼亞斯立。務於奢

靡。不勤政事。國勢漸衰。其後傳三十餘世。歷高及周。在位多

中主之令聞。故西史無紀載。猶太者。西土名國。在巴庇倫西

南。壤地褊小。素為巴庇倫屬國。巴庇倫遇藩國無禮。猶太不

恭命。周簡王元年。巴庇倫以大兵伐猶太。攻破耶路撒冷。猶

太部城又猶太王自殺。賜遷其民於巴庇倫。猶太人有但耶利

者。聰異有學識。時巴庇倫王得異夢。心惡之。祕不言其狀。使

群臣測之。中則賞。否則刑。群臣憂懼。罔知所措。但耶利曰。臣

知之矣。王夢大像立於前。其首金。其臂銀。其胸腹銅。其股鐵。

其足鐵與泥半。忽大石飛墜。像立碎。風來吹散其塵。信有之

乎。王大驚曰。信如是。其驗云何。曰。驗在國之興廢。金首者。像

王也。銀臂者。將有旁族由褊小而興。銅身者。繼統之國。將有

廣土。鐵股者。再繼之國。當以劍矛摧各部。足之泥。分土之象。

石碎風摧。則興亡之無定也。王驚異以為神人。寵待之。王卒。

子尼布甲子尼布甲居撒嗣位。立但耶利為相。相三世。但耶利死。而巴

庇倫益衰亂矣。巴庇倫之東為波斯。有馬太者。波斯大部。其

王居魯士。英果善戰。新無波斯諸部。方以取亂侮亡為事。巴

庇倫恬不為備。時巴庇倫王荒唐無政。群下離叛。周景王八

年。居魯士大舉來伐。巴庇倫望風奔潰。圍都城一鼓而下。巴

庇倫亡。地歸波斯。周敬王年間。巴庇倫叛。波斯王大流士以

大兵圍之。歷一年八月。城破。釘其民千人於架。周顯王年間。

希臘之馬基頓王亞勒散得大舉伐波斯。波斯潰。亞細亞諸

國皆服。亞細亞諸國皆服。

部皆為馬基頓所奪。已而亞勒散得卒於軍。諸將裂新辟之土自王。亞細亞分為數國。日相戰攻。已而并為一國。仍巴  
 庇倫舊國名曰西里亞。一作叙里亞傳國百餘年。為西土大部。西  
 漢惠帝五年為羅馬所滅。詳意大里圖說地歸羅馬。又泰西人記巴  
 庇倫城高三十五丈。厚八丈七尺。上設塔二百五十。城門一  
 百。以銅為之。周廻一百八十里。南懷仁所記。宇土七大宏工。  
 有巴必鸞城。即巴庇倫之轉音即此城也。當其初建。糜膏血而供版  
 築。自以為子孫萬世之業。然居魯士兵來。曾不血刃而克之。  
 金城千仞。果足恃乎。巴庇倫再叛。大流士惡其城垣之高。拆  
 毀其半。至今猶存遺址。在土耳其東土美索不達迷亞境內。

又英官李太郭云。西里亞文字。西里亞文字。即巴庇倫所造文字。與諸國不  
 同。與清文極相似。但橫寫順讀耳。因出西里亞文字冊子。余  
 翻閱之。信然。

泰西人紀猶太古事云。猶太古名迦南。有夏帝芒之世。西土  
 有至人曰亞伯拉罕。生於兩河之間。阿付臘底斯河。底格里士河。遷於迦

南。其苗裔稱以色列族。傳數世至耶哥伯。有十二子。最少者  
 曰約色弗。聰慧過人。諸兄忌之。賣於麥西為人奴。麥西一名

作厄日多。戎作以至此多。又作伊齊不托。在亞非利加之東北境。詳阿非利加圖說。麥西王立以為相。

以色列之族群往歸之。初至時七十人。年久繁衍。至六萬人。  
 麥西王忌其強宗。欲除之。時迦南以色列族有至人曰摩西。


生而神異。學識過人。報仇殺人。逃於荒野四十年。夢神人使  
 赴麥西救本宗。至則麥西王方張網羅。欲收以色列族。坑之。  
 摩西密告宗人。約期同發。至海港潮退。變陸渡。畢而朝大。至  
 麥西軍追者皆溺死。摩西率衆至迦南之耶路撒冷。遂王其  
 地。摩西卒。約書亞繼之。分以色列族為十宗。裂地封為小部。  
 統於耶路撒冷。周武王元年。有措及耳者嗣位。德量過人。能  
 察民枉。稱為賢主。周成王二十五年。王掃羅嗣位。好用兵。不  
 恤民命。國人棄之。立大辟為王。大辟以周昭王十年嗣位。敬  
 畏天神。稱為聖人。在位十六年卒。王撒門或作瑣嗣位。亦稱  
 令辟。周穆王年間。王羅破暗嗣位。始稱猶太國。羅破暗卒。亞

庇雅繼之。三年卒。亞撒繼之。號為賢能。亞撒之後。有何沙法  
 者。亦賢主。周孝王二十一年。王耶何蘭或作蘭嗣位。王后擅權。大戮  
 宗黨。群臣誅后。國乃安。王烏西亞或作亞嗣位。在位五十二年。猶國  
 稱治。亞哈斯或作哈嗣位。招異族來國助戰。遂為國患。王希洗家繼  
 之。驅除異族。境內復安。周莊王十年。王馬拿西或作拿嗣立。在位四  
 十三年。王亞們或作亞繼之。荒淫無道。二年而卒。周襄王十年。王約  
 西亞或作亞嗣立。內修政事。外攘寇虐。威聲振於西土。王禦敵殞於  
 陣。王耶何雅金或作雅嗣立。先是巴庇倫為亞細亞大國。猶太夙備  
 西藩。巴庇倫侈汰。遇諸侯無禮。猶太王怒。絕朝貢。周簡王元  
 年。巴庇倫以大兵攻之。城破。王自殺。遷其民於巴庇倫。猶太

遂亡周景王八年波斯滅巴庇倫釋猶太民歸國以色列族  
安寧天皇十一年  
 復立故國傳三百餘年西漢時降羅馬為屬國後復叛為羅  
 馬所滅屠耶路撒冷都城羅馬衰亞刺伯回部據之猶太為  
 教祖生長之地歐羅巴人時往拜其墓既為回部所據禁不  
 得通諸國皆怒合兵攻回部血戰二百餘年卒奪回猶太地  
 重立為國戍以兵未幾戍兵思故土各散歸尋為土耳其所  
 據其部民散之四方西土各國多有之以數百萬計而總稱  
 為猶太族與別族不相混云余嘗聞之英官李太郭猶太人  
 最講文字西國各種書籍多猶太人所譯解故其國紀載獨  
 詳歐羅巴文士游學者不於希臘即於猶太蓋泰西絃誦之

區也又云猶太女人姿姣好而性靈慧與別部迥異娶婦得  
 猶太女則以為威施在室也猶太自唐以後中國稱為拂菻  
即撒冷之轉音初轉為拂懔再  
轉為拂菻唐書直以拂菻為大秦蓋拂菻在羅馬東部中  
著名遂誤為大秦別名猶西域稱浩罕為安集延也宋明史  
因之則沿唐書之誤耳





希臘國

希臘希臘額里士額里士○額力西亞額力西亞○古名國也今為新造土耳其西土之

南界地形如臂入地中海其盡處搓牙似人掌是為希臘國希臘國縱

約五百里橫約七百五十里疆土褊小海灣繚曲汊港四通洲

嶼星列產棉花南果羊毛葡萄乾橄欖油五穀煙草當上古時

歐羅巴人草衣木食昏濛未啓有夏中葉東方列國已向化義

納孤一作枯木從迦南抵希臘迦南即猶太始教土人以構屋營居耕田

播穀有高中葉灑哥落從厄日多來即麥西立國於雅典始織羊

毳為衣釀葡萄為酒取橄欖為油鑄金鍛鐵作刀刃耒耜又以

文字傳其土人歐羅巴之開淳閱通文學實自希臘始希臘當



此島在西岸處此  
故補圖於此

或在此處

高周時分巴之國結為同盟周敬王年間波斯以大兵攻希臘希臘各國合縱禦之波斯敗績遁去後希臘有馬基頓王亞勒散得者合列國之兵伐波斯乘勝直抵印度王卒於軍部將分其所得之土各自王由是希臘之語言文字布於西土西漢時意大里亞之羅馬方強征服四方希臘各國亦歸版圖後羅馬分東西希臘故地屬東土為亞刺伯回部所侵日就衰弱土耳其既興滅羅馬東王以兵力取希臘全土地屬土耳其者四百年近年土政苛虐雅典之民不能堪嘉慶二十五年逐去土酋土人以兵攻之雅典堅守不下英吉利佛郎西俄羅斯三國壯希臘各以兵擁護之土耳其無奈何乃聽其自立為國即今之

希臘國也其地關山迥隔九曲盤繞群峯競秀望若列屏名勝甲於西土士女儀容多秀美男好華冠麗服女子美髮髻樣巧幻多式藏書之富甲於西土人多博覽各操鉛槧述事立言其宮殿古蹟為泰西創造棟宇之初式國王名阿多本日本日耳曼列侯世子希臘推擇立之王賢明勤於政事國雖小蓋方輿未艾云希臘新分十部首部曰雅典一作亞的架都城在海灣曰亞德納斯自昔為聲名文物之地今則市井寥落景象蕭條○亞爾哥黎大一作摩破一作摩城在海口曰腦比里亞一作亞通商之大埔頭也○亞加亞城在海口曰巴辣斯一作巴答亦通商埔頭街衢汗穢商旅惡之○美塞尼亞一作墨首邑曰亞爾加的亞希之堅城土

人屢攻之不能下。○亞爾加的亞首邑曰的黎波里薩。一作得破勒撒

亦希堅城。昔為土耳其攻破屠三千人。希人收復之後盡戮土

人之居守者。○拉哥尼亞海中大嶼也。首邑曰迷斯達拉。一作希達

居民六萬。土磽瘠而農作甚勤。無務工商。故恒足以自給。○亞

加爾拿尼亞。一作爾加地首邑曰瓦拉說黎。在西界海灣。○羅哥黎

大首邑曰薩羅大。一作羅尼加居民六萬。勤苦力作。產棉花。煙。○

憂卑亞。西界一洲。首邑曰哥羅奔多。一作尼鄂奔多昔加拉大首邑

曰黑爾摩波利斯。一作摩力亞中有山嶺。牧人所聚。素稱盜藪。十部地界

原圖未分畫○屬島曰八摩昔約翰。流徙於此。以此著名。○海灣其

多。東方曰君得撒。曰撒羅尼加。南方曰益義拿。曰拿破里。曰可

倫。西方曰爾加地。曰勒須多。○希臘之西有群島。曰各府。曰散

他。曰執刺。曰地亞其。曰客花羅尼。曰息利哉。曰散地。總名曰以

阿尼島。居民共計十九萬。產橄欖油。葡萄乾。酒蜜。南果。島各有

渠掌政令。屬於英吉利。

泰西人紀希臘古事云。上古之時。歐羅巴草昧未闢。人獸雜

處。有虞氏之初。亞細亞兩河之間。已見前有初立國者曰巴庇

倫。一作巴必鸞。又作巴必羅尼亞。詳土耳其圖說。夏后氏之初。阿非利加之北境有

初立國者曰厄日多。即麥西。詳阿非利加圖說。後有諾威氏之裔曰日魯

建國於亞細亞之買諾。即土耳其。其中土其國人漸有渡海峽而西者

即他大尼始知有希臘廣土。夏后少康二十六歲。買諾人有

伯辣斯日者始立國於希臘之北境曰西西恩逾九十餘歲  
 有厄日多人遷於希臘名其地曰的丹立國未成衆思故土  
 散歸夏后孔甲二十一歲迦南人義納孤一作抵希臘之南  
 境始鳩集人民教以營宮室種穀麥昏濛漸啓高王外壬十  
 二祀厄日多之灑的斯人灑哥落率其邑人遷於雅典立國  
 曰亞德納斯一作亞地拿始興技業立法制辨倫類造文字灑哥  
 落卒加拉腦斯繼之治法益詳希臘諸國聞風效慕荒陋之  
 俗一變商王沃甲十三祀亞德納斯王昂飛的安嗣位是時  
 希臘分十二國時有詬爭而東方諸國已造兵端昂飛的安  
 恐諸國之自相攻且心力不齊無以捍大敵乃馳使十一國

結為同盟立公會於德爾摩比勒德爾摩比勒每國遣使二人歲二會申  
 約結齊好惡講求利弊各以聞又各出蓄積貯於德爾佛斯  
 堂以備軍儲每國以二人司之由是四隣輯睦十二國如一  
 國外侮不生晏然康阜駕舟行地中海懋遷有無勢益富強  
 當是時十二國中惟亞德納斯與斯巴爾達一作士最大斯  
 巴爾達又名塞拉德摩尼亞其國初分數小部高王祖乙七  
 祀有勒利斯者并小部為一國勢與亞德納斯相埒諸小國  
 制度皆效兩國所為亞德納斯王德修以高王廩辛六祀嗣  
 位時國人分三等曰爵紳曰百工曰農民爵紳多專恣剝民  
 工農貧乏國寢弱德修患之乃汰官司裁署舍抑損豪貴躬

工農貧乏國寢弱德修患之乃汰官司裁署舍抑損豪貴躬

攬大權加惠黎民招徠商旅遠方之民歸之如市百工技業日精操奇贏多素封農夫積倉箱日益饒裕亞德納斯遂為西國大都會子哥德落斯嗣位守其成法益加惠於工農由是爵紳無權而庶民之勢重哥德落斯卒庶民私議曰賢主不可再得傳之貪殘民且重困乃揚言曰能以入必德爾為君者當聽命入必德爾西國所奉宗祖之神也從此不立國王以長官一人治事名長官曰阿爾干Arkan以哥德落斯子孫為之繼序如王而權與體視王稍殺越三百三十餘年周平王三十六年國人又以為不便定議阿爾干三年而更尋廢阿爾干立九官以治事九官由眾推選以三年為秩滿賢則留否則更

自是事權紛錯奸宄日多國人患之有達拉固者以才學稱眾公舉修刑書達拉固性嚴刻罪無大小皆予殊死時人號為血書行之數十年國人側足犯法者益眾周靈王年間公舉梭倫重定法制梭倫者望族之英素能以德服人者也剛達拉固苛法酌情罪歸於平允國人大悅復建議事廳一法制司一以資財之多寡分齊民為四等每等百人有興革則集議於議事廳法制司設品官定員數選才德出眾者領之發號令定刑賞皆由法制司區畫精詳輿論翕然方亞德納斯之廢王而立官也德巴斯首效之諸小國亦紛紛效之德巴斯者舊本非尼西亞人詳阿非利加圖說其王加達慕斯於高王

武丁年間立國於希臘者也迨梭倫重定法制諸國又效之  
 斯巴爾達自勒利斯開國傳四百餘年至周成王十一年有  
 幽里寺德那斯伯羅刻黎斯者兄弟也同即王位自是國有  
 二王同朝治事其制傳八百餘年不改西土傳為異事亦未  
 有效之者至末造之噶黎厄美尼斯始改為一王周夷王年  
 間其國有賢主曰利古爾厄重定法制與梭倫所定之法大  
 略相同而兵制尤為盡善其俗儉嗇其人壯武嘗伐米西奈  
 國滅之得其膏腴之土國勢益強是時東方之波斯國方強  
 其王大流士一作達再滅巴庇倫勢張甚顧希臘諸國以外  
 夷賤之不加齒禮會波斯有大將本希臘人大流士厚遇之

擢其姪高班其姪叛附亞德納斯亞德納斯有罪人義比亞  
 斯奔波斯復挑搆之周敬王二十九年大流士以舟師伐亞  
 德納斯亞德納斯乞和不許於是希臘諸國合縱禦之波斯  
 破亞德納斯大嶼燔其城亞德納斯大將米力泰底率眾禦  
 之戰於馬拉多那波斯敗績米力泰底奪其七船大流士慙  
 憤死子澤耳士立一作捨爾時斯誓雪仇耻以三萬人伐希臘造長  
 橋於他大尼里海峽長二千丈以渡軍希臘大震波斯欲招  
 斯巴爾達降斯巴爾達扼險拒之人決死戰呼聲動天地波  
 斯軍敗走時波斯水軍分道攻亞德納斯亞德納斯大將地  
 米多其利率眾禦之波斯師船泊外海忽風雷大作波濤震

蕩壞波斯船四百艘。地米多其利以計誘其餘船入內港。圍而殲之。波斯軍水陸皆敗。澤耳士大怒。舉傾國之師三十萬。攻亞德納斯。亞德納斯棄城保於別嶼。波斯毀其城。希臘諸國咸來助戰。爭先陷陣。波斯軍大潰。橫屍數十里。狼狽東走。亡失殆盡。澤耳士乘漁舟遁。輜重盡為希臘所得。先是希臘諸國自昂飛的安聯盟之後。歷千年無改。故能同心協力。屢破大敵。至是爭取波斯遺財。頗有違言。亞德納斯城扼海口。操形勝。且聚高舶。擅利權。斯巴爾達素忌之。既為波斯所毀。亞德納斯人欲建復。而斯巴爾達阻撓之。由此兩國交惡。盟約解散。諸小國各有所附。日啟爭端。亞德納斯城既新建。藩

屬皆納貢餉。日益強盛。而斯巴爾達遭地震。壓死萬餘人。叛奴作亂。弑王米西奈。城又反。國衰亂者數十年。亞德納斯有賢長曰比哩吉。發政施仁。閭閻富庶。四國頌之。會大疫。死者相枕籍。比哩吉亦染疾卒。代位之長多挾私亂政。民氣囂然。

亞德納斯之西有大洲曰西基利。即西屬於加爾達額。有亞

基庇亞底者。生長此洲。任俠好施。素得衆心。見亞德納斯衰

亂。欲取而代之。因募兵攻亞德納斯。破其水軍。斯巴爾達與

亞德納斯有夙嫌。乘西基利之亂。以大兵圍其都城。毀之。亞

德納斯遂為亞基庇亞底所據。由是希臘諸國互相攻。日益

衰亂。已而馬基頓興。一作馬斯。馬基頓亦十二國之一。在希

臘北方初甚微弱周顯王年間有王曰非立一作非雄武有

權略與希臘諸國交兵累戰皆克使客游說之皆納款為屬

國王欲伐波斯會中刺客死子亞勒散得一作阿勒嗣位年

二十一才兼文武英略過人周顯王三十五年以三萬五千

人伐波斯取亞細亞即買諾敘里波斯望風奔潰波斯王棄

營走虜其妃后因移兵巡行海上有土羅者加爾達額之都

城詳阿非利王攻破之屠八千人時麥西即厄為波斯屬部

王征服之隨其沿海名城由是所向披靡游兵及五印度皆

納款列東藩波斯王悉起境內兵決死戰王擊破之圍其蘇

撒都城會遭疾旋師至巴庇倫卒於軍諸將各引所部據新

辟之土自王從此希臘族散布西土至漢初希臘尚餘四國

曰厄多里亞曰亞加壓曰白阿西亞仍以馬基頓為長馬基

頓王非黎卑性强暴凌侮屬國三國患之時羅馬征伐四方

兵力方強三國密求援羅馬命將以大兵入希臘非黎卑攜

妻子逃羅馬因駐兵脇三國降三國悔失計求助於西里亞

一作叙西里亞者亞勒散得部將所立國兼亞細亞諸部即

耳其東為東方大國時加爾達額敗將漢尼巴亦赴西里亞

求援詳意大利圖說其王安的約哥計希臘亡勢且及已率輕

兵救希臘羅馬迎擊之安的約哥大敗遁歸羅馬兵踵至圍

其都城安的約哥降希臘四國聞之皆納土降地歸羅馬時

漢惠帝五年也。希臘諸國建於夏商。至漢初乃亡。凡歷一千數百年。余嘗聞之英官李太郭云。雅典最講文學。肄習之精。為泰西之鄒魯。凡西國文士。未游學於額里士。則以為未登大雅之堂也。

古希臘十二國。乃今西土耳其全土。新希臘則雅典一部。古亞德納斯之南境也。

（此處為多欄模糊文字，內容難以辨認）

意大利里亞列國圖



奧地利界  
瑞士界

瑞士界

佛郎西界

薩爾的  
尼垂  
沙力尼阿  
靈都

奧地利  
利未  
蘭部

巴爾馬

蘇德

佛羅  
梭羅

多斯加  
納一作  
實加拿

馬羅

奧地利

土耳其

佛郎西界

哥爾塞牙  
又名郭士噠  
屬佛郎西

哥爾塞牙

薩爾的尼垂島  
一作沙力尼阿

地中海

西治里島

阿爾及耳界

古加爾  
達額國

突尼斯界

阿非利加



意大利亞列國

意大利亞。以他里。○以他利。○伊達。歐羅。巴。古。一。統。之。國。漢。書。利。○羅。間。○羅。汶。○那。嗎。

所謂大秦國也。東北界奧地利亞。北界瑞士。西北界佛郎西。其

餘全土。斜伸於地中海。似入股之著。履者中有大山。綿亘如脊。

其地天時和正。土脈膏腴。穀麥昌茂。花木馨芳。幽谷名園相屬。

西土羨為福地。自周以前。為土番散部。周幽王時。羅馬崛起。國

勢漸強。其後武備日精。疆土四闢。至西漢時。北扼日耳曼諸部。

至波羅的海。南服阿非利加。北境各國。西辟佛郎西。西班牙。葡

萄牙。至大西洋海。又跨海建英吉利三島。東并希臘諸部。括

諾西里亞。縱橫千萬里。跨歐羅巴亞細亞。阿非利加三土邊外。

意大利亞列國

弱小諸部皆修貢職為臣妾居然大一統之勢建都城於羅馬

諸國仰之如周京西城聞見錄所稱控噶爾都東晉時又建東

都於黑海之峽稱為君士但丁一作公騰廷又作康思坦胎諾

其後傳世既久嗣王多淫辟敗度內亂迭生廢立屢見西北諸

部皆擁土自王不復為臣東晉孝武帝二十二年國分為二以

羅馬為西王君士但丁為東王東王至明景泰間始為土耳其

所滅西王居意大里故地劉宋時為北狄戡特族所滅戡特族

立國三百餘年佛郎西取之以羅馬都城奉教王後復分裂有

伯梭日爾者嘗并兼諸部為一旋以苛暴為國人所廢奧地利

亞征服之割北境之米蘭威內薩兩部自是之後諸部時合時

分日尋干戈雲擾尤甚嘉慶十年佛郎西王拿破侖略定其地

為佛藩部拿破侖敗諸國公使會議於維也納分其地為九大

國四曰羅馬曰多斯加納曰薩爾的尼亞曰那不勒斯小國五

曰巴爾馬曰摩德拿曰盧加曰摩納哥曰勝馬里虐猶總稱意

大里亞其地物產豐饒無有蠶桑之利每歲所產絲綿價值三

千餘萬葡萄酒橄欖油橙柑檸檬栗諸果亦皆繁碩其民身體纖

弱外寬柔而內陰賊往往昏夜刺殺仇人好談論游戲喜謳歌

有穰下之風各國皆崇洋教而羅馬為最盛

羅馬一稱教宗國古羅馬舊都也當全盛時文物聲名為西洋

第一大都會至劉宋時為北狄戡特族所據故王宮闕大半殘

瀛環志略 卷六  
毀書冊舊典亦掃蕩無遺由是民變夷俗非其舊矣洋教自東漢時傳播西土羅馬人崇信尤篤故國既為狄所據洋教之徒乘機招誘黨羽日繁大權歸其掌握佛郎西既滅我特族遂以其地歸洋教師號曰教王教王歿則大會各教主僉議推老成者一人嗣位略如前後藏喇嘛坐牀之俗其教傳布各國有不遵者輒挑釁構兵夷滅之或教其民叛主佛郎西之創霸也教王為之加冕英吉利北族之起兵也請於教王教王封以英土其權如此至前明時日耳曼人路得別立西教稱為正教斥洋教為異端邪說於是諸國半歸西教而教王之權頓衰所據之羅馬都城古蹟最多洋教堂極崇宏光彩射目入教之徒如蟻

各食教王俸糈別國之祭司禮拜主事者遠方之信士焚香禮拜者踵相接也其民情於農事野多曠土山內多藏寇盜捕急則逃入教祖堂無復過問者

多爾加納一作突如拿在羅馬之西東北界羅馬西南臨海土地膏腴物產豐厚都城曰佛羅梭薩街衢整潔萬厦翬飛所屬有古城曰北撒昔稱繁會今已凋敝海口有城曰里窩那市舶所萃貿易甚繁

薩爾的尼亞一作沙力尼阿又作撒地尼又作撒丁本意大里大島其國由此島而割意大里西北境遂以島名為國名地在多爾加納之西北與瑞士佛郎西接壤國分四部曰辟門曰熱那亞曰撒歪曰撒

丁島都城在撒歪曰都靈一作士林殿堂宏麗西人豔之辟門多山

田不足畊其民多走別國謀生熱那亞在海隅昔為地中海公

市萬艘鱗集稱大都會意大里戰船皆屯泊於此今衰廢已久

僅存各官之衙署而已撒丁島地甚廣莫而林莽居半居民披

羊皮挾利刃遊牧林薄中性悍獷難於鈐束

那不勒斯一作拿破利又作拿破里又作捏不爾士在羅馬之南東西南三面皆海

正地形似鞞屐之處意大里之南境也西南有大島曰西治里

或作什士力又作西基利又作西西里亞與那不勒斯合為一國都城同國名屋宇

高大殿廟整肅郭外萬峯環繞高插雲表內多幽壑古洞別有

火峯峯嶺常出煙雲有時火石飛空墜數十里外或飛灰如霜

霰積數尺歷田卽廬舍又火漿迸流如水所至草木皆燼近山

有二古城灰埋已千餘年忽土人掘出垣堞依然傳為異事地

震甚烈居民頻年被災惟土田肥沃物產豐饒故戶口繁密無

肯避而去者西治里島縱橫皆四五百里土尤肥沃多五穀良

釀島中亦有火峯鄉邑屢遭焚燬吏多苛政教主擅權故夙稱

沃土而民恒貧乏其會城曰巴勒摩埔頭曰黑西拿

巴爾馬一作巴馬在薩爾的尼亞之東摩德拿之西北抵波河縱橫

皆二百里戶口四十餘萬昔為奧地利王女封地佛郎西王拿

破命之后也拿破命既敗其后別醮仍據此地

摩德拿東連羅馬西連巴爾馬長三百里廣一百四十里戶口

摩德拿東連羅馬西連巴爾馬長三百里廣一百四十里戶口

三十八萬。

盧加東連多爾加納。西至地中海。長九十里。廣五十里。戶口十四萬餘。

摩納哥。在薩爾的尼亞境內。長三十五里。廣二十里。戶口六百五十。

勝馬里。在羅馬境內。袤延約五十里。戶口四千餘。自推酋長理事。不屬教王。

意大里西南有馬里他島。地多磐石。居民積土為田以耕。其俗儉嗇勤苦。戶口極繁。昔保羅浮海擱淺。泅登此島。為人療病。著

神異之迹。故此島名傳西土。當回部方強。以兵力脇此島。島酋

率驍卒拒之。回部竟不能取。嘉慶年間。佛郎西誘降其酋。旋為

英吉利所奪。守以重兵。為地中海停泊戰艦之處。

按西國自剖判以來。惟意大里為一統之朝。肇造邦土。在成

周中業。混壹在西漢之中。分裂在東晉之末。宗社之墟。在明

景泰間。祚數之長。泰西無其比也。據泰西人所紀載。其創業

之主。曰羅慕路。於周幽王年間。始建城於羅馬。別五  
土之宜。教民以耕稼。造戰弩以習戰。子努馬。又馬。嗣位。初設  
律例。愛育黎元。分等威。別貴賤。境內大治。傳七世。至達爾登  
會。以治事高爵。每年一易。由是國無王。而勢日強。盛意大里

諸部皆歸版圖。阿非利加北境有大國曰加爾達額。一作迦大其

舊名非尼西亞。立國最早。由希臘遷於地中海之南岸。其國

善於商賈。擅地中海之利權。又兼并西班牙。富強無與。姆羅

馬初興時。加爾達額屢侵軼之。又奪其屬島。西治里後羅馬

漸強。始稱勅敵。構兵數百年。迭為勝負。西漢初。加爾達額命

其大將漢尼巴。合西班牙之兵。大舉伐羅馬。連戰皆克。陷南

境諸城。羅馬大將發比約馬西摩堅壁以老其師。而遣別將

馬爾塞羅伏奇兵。邀其歸路。又遣西比揚潛師渡海襲其都

城。漢尼巴聞警。還救。遇伏。大潰。比渡海將至。西比揚回兵邀

擊於海中。全軍盡覆。漢尼巴乘漁舟奔西里亞。求援。時漢高

祖十四年六年也。是時希臘分數部。馬基頓最強。諸部為所凌侮。求

庇於羅馬。羅馬以兵護諸部。因脇降為屬國。諸部悔之。密約

西里亞為援。西里亞者。一作叙里亞亞細亞大部。在猶太之北。舊

本巴庇倫地。波斯滅巴庇倫地。歸波斯。後馬基頓王亞勒散

得伐波斯。盡取其地。亞勒散得卒於軍。諸將裂其土。自王分

為數國。後并入西里亞。為一國。勢頗強大。故希臘諸部欲倚

之以拒羅馬。而漢尼巴又盛稱羅馬師疲易敗。漢惠帝五年。

西里亞王安的約哥帥兵赴希臘。羅馬迎擊之。西里亞兵大

敗。奔回。羅馬軍乘勝逐北。圍其都城。安的約哥納土降。漢尼

巴自殺。因移兵征馬基頓。馬基頓亦降。希臘諸部皆獻土。漢

惠帝十年元天皇帝三十年羅馬以大兵伐加爾達額圍其都城將陷加爾

達額闔城自焚羅馬毀其城因畧定其屬部復征服西班牙

置為別部時葡萄牙為西班牙西境尚未立國是時地中海南岸尚有兩強國

一名奔多一日入占爾達奔多有高哥斯大山為屏障其王

覓的里達隄強武好戰恃天險不肯賓服羅馬命大將西拉

靈古祿征之連兵二十六年屢破其軍覓的里達隄扼險不

肯降漢景帝後元年羅馬大將奔彪以奇兵破奔多殺覓的

里達隄入占爾達尤險遠漢武帝元封五年羅馬大將馬黎

約征服之由是地中海南岸諸部盡入版圖猶太麥西亦納

欵北境拓地至日耳曼復西辟佛郎西渡海征英吉利土藩

建為大部西土數萬里無復抗顏行者初羅馬廢國王立公

會高爵由衆推遷原議一年一易後因兵事不得易漸有久

於位者高爵子孫名曰巴的黎西疴推舉高爵半由巴的黎

西疴黎庶雖有奇傑多阻遏不得進而高爵子孫席富貴以

勢凌人黎庶積不能平時諸將四征不庭各擁強兵兵皆百

戰悍不馴至是四方略定諸將各凱旋屯畿甸適有夷族自

東北來侵亞細亞諸部多翻城應之大將綱標一作潘沛往剿方

戰勝收復境土而內變作先是馬黎約之兵與西拉之兵詬

誅交闕黎庶之黠者乘機倡亂殺高爵子孫民與紳鬪兵與

兵訐既而兵民紳分黨相攻數旬之內反者如蝟毛而起屠

戮凡數萬人。網標聞變急回兵。大將愷撒一作入略方西征

亦旋師共平內難。盡戮反者。前後死者凡十餘萬人。國乃定。

是時大權歸兩帥。網標為羅馬宿將。征服麥西猶太。重定亞

細亞。建功最早。貪權位。漸驕恣。而愷撒負英略。學術過人。平

佛郎西。英吉利。建為大部。勲業尤著。兩人積不相能。愷撒素

得民心。網標度不能抗。託故之東部。起兵攻愷撒。愷撒率眾

禦之。戰於希臘之法爾薩里亞。網標兵潰。單舸奔麥西。麥西

王斬其頭。獻羅馬。由是愷撒總大綱。立法制。羅馬大治。時高

爵有不盧多。加西約者。忌愷撒之得大權。將帝制。遣刺客刺殺

之高爵馬爾各安多尼約。因擅權專制。將自王。愷撒猶子唯

クニニ大屋一作塞薩爾起兵攻之。戰於黑細約河。馬爾各安多尼

約大敗。攜其孥而逃。不盧多加西約皆自頸死。漢成帝建始

二年。唯大屋踐王位。是為羅馬復立國王之始。當是時。羅馬

東境至亞細亞即土耳其西境至西班牙。英吉利北境。括日

耳曼諸部。南境包阿非利加之北境。地無三土亞細亞歐羅

周迥數萬里。盡入版圖。波斯遣使乞和。天竺亦遣使通好。徼

外諸夷部皆入貢。建始三年。唯大屋更名曰奧古士都一作

士銷兵罷戰。親閉仍納廟門仍納兵主之神。兵興則閉門。性寬大厚

待功臣。親愛士民。為羅馬極隆平之世。其後駕里古喇尼囉

相繼立。皆苛暴荒淫。比於幽厲。大將菲士巴山素得民譽。眾

推戴為國王。時猶太叛亂，命其子第度伐之，攻破猶太都城，屠之已而第度嗣立。慈惠愛民，稱為賢主。未幾卒，其弟嗣立，煩刑苛斂，國人不堪其虐，弑之。景行天皇二十七年東漢和帝九年，王大喇壞嗣位，時匈奴侵北鄙，命將擊走之。王性寬惠，矜庶獄有仁聲，晚歲好土木，比頑童。論者惜其不終，繼立之王好武，屢伐匈奴，勝之。成務天皇七年王安敦嗣立，博物好古，明於治體，修律度，振綱紀，號為中興。時匈奴逐水草，屢犯邊，王親率大兵渡河，深入不解甲者數年，窮追至北海，犁其庭，幕伏屍百萬。由是烽燧銷息，數十年無鳴吠之警。東漢之末，昏庸在位，骨肉相殘，國大亂。神功皇后攝政蜀漢後帝年間，稱王者三十人，日相屠攻，有奧哩

都者，削平僭逆，光復舊物。羅馬再康，後因東方多邊患，恒屯重兵以備之。應神天皇三十八年晉懷帝永嘉元年，王君士但丁或作公嗣位，性謙柔，有遠略，建大城於他大尼里海峽之北岸，以控制東方。即名曰君士但丁城。一作康思胆胎諾格爾，又作宮。士丹的諾伯拉，又稱控噶爾。是為羅馬東都。君士但丁卒，三子爭立，國又幾亂。嗣立之王好佛，仇西教，伐波斯中流矢卒。王約菲安嗣位，溫恭好禮，修好四鄰，稱為太平。先是東北有莪特族者，一作厄都，又作哥度。為匈奴所攻，降於羅馬。羅馬處之北境，恣其游牧，生聚年久，日漸強盛。羅馬既立東都，悉以勁兵防東邊，西都守備單弱。莪特突以兵犯羅馬，羅馬王禦之，殞於陣。國大震，乃與之和。王第阿多西嗣

位潔白自修稱為令辟。仁德天皇八十二年東晉孝武帝二十二年分國為兩以羅

馬為西都以君士但丁為東都立二王分治之其後西都屢

為戎特所侵日就衰弱王和挪流ハノリウス嗣立貪饕喜淫刑戎特屢

來攻肆行殺掠城邑蕭然。宋蒼梧王元徽三年戎特圍羅馬

都城王出降戎特囚之軍中憂懼死羅馬民私葬之由是西

都遂為戎特所據而東都仍稱羅馬國。梁武帝二十五年東

王如地尼安チヌスチニア嗣位精於吏治因舊例煩苛令群臣刑訂之歸

於寬簡臣民稱便時國人有航海至中國者携蠶桑之種以

歸試植之與土性宜由是繭絲之利興焉。泰西興蠶桑之利已一千數百年而

中國之人不知以唐初回回教之摩哈默興於阿刺伯新無

為皆從粵東販往。

波斯勢張甚欲強羅馬入回教羅馬不從由是為阿刺伯所

怒數數被兵是時戎羅斯興於北土以兵侵羅馬羅馬與之

和以女嫁之從此戎羅斯崇洋教已而阿刺伯攻羅馬之東

境西里亞猶太買諾諸部皆陷峽東地全成敵境僅餘故希

臘片土即土耳其其西土勢益孤弱元末土耳其起於買諾無弁峽東

諸部數渡峽。即他大尼里峽已詳上耳其圖說攻羅馬侵割其旁邑殆盡明

景泰三年攻陷君士但丁都城羅馬遂亡。○後漢書大秦國

一名犁鞞以在海西。此海指地中海亦云海西國所居城邑周圍百

餘里置三十六將皆會議國事其王無有常人皆簡立賢者

其人民皆長大平正有類中國故謂之大秦與安息。即波斯


其人民皆長大平正有類中國故謂之大秦與安息。

即印交市於海中。其王常欲通使於漢。為安息遮遏不得。  
度自達。至桓帝延熹九年。大秦王安敦遣使自日南徼外獻象  
 牙。犀角。瑇瑁。始乃一通焉。云云考之泰西人所紀載。羅馬都  
 城最大。與漢書周圍百餘里之說相合。又羅馬自努馬七世  
 後。不立國王。選賢者居高爵。立公會以治事。與漢書王無常  
 人。簡立賢者之說相合。漢神天皇帝六十七年。唯大屋踐王位仍世及  
 漢書所云。乃其往事。又漢順帝十二年。王安敦嗣位。號為中  
 興。與漢書延熹九年。大秦王安敦遣使入貢之說。年代名氏  
 均相合。則意大里之為大秦。無可疑矣。意大里在兩漢時。歐  
 羅巴一土。隸幅員者十七八。故大秦之外。別無海西部落之

名見於范書。惟安敦之入貢。由日南徼外。其為航海東來。可  
 想而知。然則謂歐羅巴諸國。明以前未通中國者。殆不其然。  
 惟市舶之聚於粵東。則自前明始耳。唐宋以來。皆以拂菻為  
東部屬部。猶之稱浩罕為安集延也。然自宋以後。拂菻為  
回部所據。并不屬大秦。中國不知其原委。故因仍不改耳。今  
 歐羅巴從洋教者。曰意大里亞。曰佛郎西。曰比利時。曰西班  
 牙。曰葡萄牙。從西教者。曰英吉利。曰荷蘭。曰連國。曰瑞國。曰  
普魯士。曰米利堅。此外兩教參雜者。曰塞地利。曰日耳曼列  
 國。又別有希臘教者。亦洋教別派。額里士。莪羅斯尚之。與兩  
 教教規又不同。近泰西人稱洋教為公教。稱路得等教為修  
 教。余謂立教以救世也。乃諸國因分教之故。而殘殺不已。教



大西洋海





爾河尼亞酋長復并諸部為一自立為侯國。北宋時海潮決隄數百里居民皆沒。都城幾陷。潮退之後積水匯為巨浸。曰亞爾零海。經營數十年。戶口繁滋。商賈通行。完富過於曩時。明初侯查理侵佛郎西。圍其都城。耀兵而還。時荷蘭富民多恃財犯科。律侯以峻法繩之。刑戮過當。衆怨怒有叛志。佛郎西乘勢伐之。侯震恐。納賂請盟。佛兵乃退。荷蘭舊分南北部。侯政苛虐。南部即此畫疆不聽命。侯與戰。敗績。隨溝中死。正永正德季年。西班牙王查理第五新為日耳曼所推立。已詳聖地利亞圖說有大權。擊佛郎西。擄其王。西土諸國無敢逆顏行者。遂下令兼王荷蘭。荷蘭不敢抗。時荷蘭富甚。王減稅以悅其民。而悉令入洋教。有遵西教者。積

薪燔之。已而查理第五令其子西班牙王非立第二兼王荷蘭禁西教尤急。南部本習洋教。無梗令者。而北部夙崇西教。堅不肯改。非立第二以峻法繩之。凡戮數千人。荷蘭人憤甚。有阿蘭治者。智勇過人。衆推為主。起兵距西班牙。西班牙以大衆攻之。荷蘭人死戰屢敗。而氣不衰。佛郎西英吉利嘗引兵救之。已而退去。阿蘭治激其衆曰。西人以我供刀俎。當塗肝腦。決死戰。幸而勝國之福也。不濟則決海隄。挈妻子為波臣。不死者乘舟逃。萬里外。誓不為之氓。衆皆曰。諾。遂引軍獨進。與西班牙鏖戰數十年。屢挫西軍。西班牙遣客刺殺之。其子繼統其衆。雄武過父。奮力擊西軍。大破之。西班牙乃斂兵議和。由是荷蘭復立為國。

晏然安富承平者二百餘年。當前明中葉。荷蘭航海東來。至中國之東南洋。據瓜哇海口。即噶羅巴迤東迤北各島國。皆建設埔頭。通東西七萬里之海市。故國雖小而富饒。甲於西土。明季嘗以兵船擾閩浙。墾臺灣而據之。後為鄭氏所逐。小西洋各埔頭亦頗為英佛諸國所侵削。而南洋數大島。則依然荷蘭有也。康熙二十七年。王威廉第三有雄略。英吉利人招之渡海。奉以為王。幾霸西土。寬政嘉慶初。佛郎西拿破侖侵伐四國。兵及荷蘭。荷蘭王走死荒野。地歸佛郎西。英吉利乘荷蘭之亂也。奪其瓜哇埔頭。拿破侖既敗。荷蘭復立故王之裔。英人乃還其埔頭。先是荷蘭南部與北部相仇。當北部與西班牙構兵。南部附西班牙不相

助。文化十一年嘉慶十九年。南部與荷蘭合道。天保二年光十一年。南部復絕荷蘭。立

他族為王。稱比利時國。荷蘭地形平行。有水無山。東偏僅有邱

阜。亦甚寥落。北境出燕麥。中國稱油麥又出胡麻。形似壁蝨紫黑色。可以為油。山西皆

北有之。非脂麻也。西北境出大麥。中土出麻與顏料。南境出小麥。俗喜

吸絲烟。故種烟草者多。草場豐廣。便於牧牛。所製奶餅極佳。又

善造火酒。二者通行各國。所織羽毛緞最良。中國貴之。其民俗

樸實耐勞。節衣嗇食。治生最為勤苦。無游民。無盜賊。利之所在

不遠數千萬里。性喜潔。房屋時時掃滌。街衢有污穢。必洗刷淨

盡。稅餉頗重。聽紳士籌辦。王不得專。地分十一部。○北荷蘭西

距大西洋海。東環亞爾零內海。都城曰亞摩斯德爾登。一作莫士特

莫士特

爾坦。又作安持堤。建於義河之濱。架木水中。上起樓閣。以河道為街衢。

居民二十萬。貿易之盛。為歐土大都會。又有別都曰合其。在海濱。國王所居。殿廷制頗卑狹。而民居極整潔。來丁鳥特兩城有

大書院。文儒所萃。○南荷蘭在北荷蘭之南。西面大海。南界內

港。隔斷成兩洲。會城曰海牙。所屬鹿特堤城。內通舟楫。殷商所

萃。街市華潔。○斯蘭德亞在南荷蘭之南。西面大海。內港縱橫

界。隔成六洲。會城曰米德爾不爾厄。○北巴拉班的。在斯蘭德

亞之東。幅員頗廣。南與比利時接壤。會城曰不亞勒獨各。○烏

德勒支。在兩荷蘭之東。會城同部名。○給爾德勒在烏德勒支

之東北。西界亞爾零內海。東界日耳曼。會城曰亞爾凝。○德倫

得。在給爾德勒之北。西界內海。東界日耳曼。會城曰亞森。○疇

威爾義塞耳。在德倫得之北。東界日耳曼。會城曰索爾。○非里

薩在疇威爾義塞耳之西。三面距內海。會城曰留瓦爾敦。○哥

羅凝加。在疇威爾義塞耳之北。為荷蘭極北境。東界日耳曼。會

城同部名。○靈不爾厄在北巴拉班的之東南隅。與日耳曼接

壤。會城曰賣土的里至。○十一部之外。別一部曰盧森不爾厄

在日耳曼界內。長二百五十里。廣二百里。會城同部名。戶口二

十九萬。入日耳曼公會。應出兵二千五百五十。此部圖中未畫

內。應在日耳曼圖

按荷蘭為歐羅巴澤國。與魚鼈錯處。受水患最甚。享水利亦

最優隄防溝洫猶易易耳。剡木為舟而通行於數萬里之外。

則習於水之明效也。勝國季年閩浙兩洋時見侵軼嘗踞舟

山定海道頭地方尚燬普陀普陀巖有萬歷年間官塑佛像

去鼓棹月港即海澄縣從前海港深通大船可直抵城下荷

海門又於乃寄跡澎湖益以棹船航海擊之荷蘭遁去卒

乃據臺灣而有之彼時概稱為紅毛即荷蘭也鄭成功長江

之敗金厦不能守適荷蘭通事何斌負逋稅逃內地獻謀取

臺灣成功悉銳渡海奪鹿耳據安平相持一年荷蘭大困成

功乃縱之去由此絕意中國不敢復覬片土先是鄭芝龍受

撫後嘗以小舟焚荷蘭三艘厥後成功扼之於臺灣幾致片

帆不返以彼橫肆如鯨鯢遇鄭氏父子而弱焉亦足為遠夷  
侵凌中國之烟戒矣

歐羅巴諸國皆好航海立埔頭遠者或數萬里非好勤遠略  
也彼以商賈為本計得一埔頭則擅其利權而歸於我荷蘭

尤專務此其航海而東來也亞非利加印度麻喇甲蘇門答  
臘即已遍設埔頭噶羅巴即瓜一島大小西洋入中國之門

戶富盛甲於兩洋為諸島國之綱領荷蘭以詭謀據其海口  
建設城邑流通百貨由是迤東迤北諸島國如婆羅洲一名

阿西里百一名矢摩鹿加一名夫巴布亞一名那之類大小  
凡數十處說見南洋圖皆巫來由統阿武吃番族荷蘭以次據口

岸立埔頭有租賃其地者有侵脇得之者大約近年以來小西洋諸島國以英吉利為主東南洋諸島國除呂宋屬西班牙餘皆以荷蘭為主地本彈丸而圖國計於七萬里之外歷數百年無改亦可謂善於運籌者歟

鄭芝龍焚荷蘭船見閩人所著臺灣外紀其書雖小說而事多實錄非盡荒唐維時荷蘭夾板擾閩浙芝龍已受撫為裨將奉軍門令往剿荷蘭船堅炮猛不能勝乃募死士善泅者以小船堆柴薪澆以油中藏火藥前置引線船首施短鐵鍊綴利錐死士一人持斧坐船頭數人從旁乘風潮急棹傍夷船以斧釘錐於船艘燃藥線投水鳧回藥燃火發風又猛烈

荷蘭夾板被焚三艘餘悉遁去云余按芝龍本海中劇盜所養皆亡命之徒其權譎能得人死力以此出奇制勝理或有之他書言火攻者紛紛有謂用千百木筏積薪順風潮而縱之者有謂鎖千百小舟積薪艤港面而圍之者大約皆江河火攻舊說否則攻海盜舊說施之夾板擊柁甚矣海面寬闊夾板皆相地散泊近者相隔一二里遠者三四里木筏小舟雖多豈能塞滿汪洋如牆而進又豈能引鉞拾芥無端而使之相著此自焚舟何與彼事不如芝龍之釘船事雖難而尚有實際耳







拿破侖敗。荷蘭再立國。文化十一年。比利時復與荷蘭合。先是

荷蘭崇西教。因此與西班牙構兵數十年。卒獲勝復國。而比利

時是近佛郎西。顧獨從佛俗。尚洋教。又夙隸西班牙。地利皆

洋教國。既與荷蘭合。不肯從荷俗。兩部之民不相能。時時構釁。

而荷蘭以比利時夙附仇國。不與恢復之師。素薄其人。不令居

顯秩。又不肯收教其幼學。比利時人積不能平。天保二年。逐

荷蘭守土吏。荷蘭伐之。比利時諸部合兵拒戰。相持數月。伏屍

遍野。佛郎西舉兵助比利時。荷蘭乃斂兵退。比利時人遂招

耳曼之薩克撒各不爾厄小侯留波爾多來國。奉以為王。自立

為國。比利時境內大河有二。曰義斯加爾達。曰米干塞。下游皆

在荷蘭境。貨船由此出運。既絕荷蘭。荷蘭遏其港口。使不得通。  
乃造鐵軌。輻輳路。以石鋪路。鑄鐵汁灌之。使平如砥。以火輪車  
由陸轉運。以達於海。利火輪車之行。歐羅巴各國皆有之。

比利時平原坦闊。南界僅見岡陵。氣候溫平。土膏腴潤。宜穀果

烟葉。多草場。便牧畜。兼產煤鐵。地分九部。○南巴拉班的。在八

部適中之地。都城曰不魯捨拉斯。一作木蘭洛士爾。建於塞內

河濱。宮廷高大。潔而不華。其民工於紡績。所織呢布皆精良。城

內外多植嘉樹為園囿。供士民遊賞。○安都厄爾吐亞。在南巴

拉班的之北。壤接荷蘭。會城同部名。向為水運大埔頭。近年港

口為荷蘭所封。舟楫不行。○東發蘭德斯。在南巴拉班的之西。

會城曰干的。織工所聚。呢布由此出運。○西發蘭德斯在東發  
 蘭德斯之西。西距大海。南界佛郎西。會城曰不魯日。係水運海  
 口。○海腦德在南巴拉班的之西南。與佛郎西接壤。會城曰蒙  
 肆。係內地埔頭。○那慕爾在海腦德之東。南界佛郎西。會城同  
 部名。○列日在那慕爾之東。與日耳曼接壤。會城同部名。○靈  
 不爾厄在列日之北。東界普魯士。北界荷蘭。會城曰賣士的里  
 至。此與荷蘭之靈不爾厄相連。會城名亦同。蓋一城分為兩地也。○盧森不爾厄在列日之南。  
 東界普魯士。南界佛郎西。會城曰亞爾倫。此與荷蘭所轄之盧  
 森不爾厄同名。而會  
 城名不同。蓋地  
 界亦相近也。

按比利時本荷蘭南部。兩土合併。猶不敵諸大國之半。其初

分也。因查理之妄殺。西班牙之侵荷。北部日尋干戈。南部遂  
 羈縻強敵。其再分也。則由於西教洋教之角勝。於虔立教以  
 止殺也。今乃因教而相屠。豈不愚哉。  
 比利時於國初時。曾來粵貿易。絕迹多年。佛郎西其姻鄰也。  
 近復為之代請通市。朝議許之。



